


1.4 Velferðarsvið



Rekstur VEL (m.kr.)	Raun 2026	Áætlun 2026	Frávik	%
Tekjur	4.011	3.383	628	18,6%
Laun og launatengd gj.	17.058	16.389	669	4,1%
Annar rekstrark.	10.568	9.082	1.486	16,4%
Rekstrarniðurstaða	23.615	22.088	1.527	6,9%

framlögum hærri en áætlað var.

Laun og launatengd gjöld námu 17.058 m.kr. og voru 669 m.kr. umfram fjárheimildir, sem nemur 4,1%. Frávik skýrist helst af kostnaði innan búsetuþjónustu, sem var 570 m.kr. umfram fjárheimildir, auk kostnaðar í stuðnings- og stoðþjónustu sem var 49 m.kr. umfram fjárheimildir. Frávik skýrist að stærstum hluta af kostnaði vegna þjónustu við einstaklinga með umfangsmiklar stuðningsþarfir sem krefjast sérhæfðra og kostnaðarsamra úrræða.

Velferðarsvið greiddi fyrir að meðaltali 2.337 stöðugildi á mánuði á tímabilinu, sem er fækkun um 37 stöðugildi frá sama tímabili fyrra árs. Yfirvinnustundir voru að meðaltali 22.404 á mánuði, sem samsvarar um 143 stöðugildum. Yfirvinna hefur dregist saman frá fyrra ári um rúmlega 5.100 klukkustundir á tímabilinu, sem bendir til aukins stöðugleika í mönnun þrátt fyrir áframhaldandi áskoranir í rekstri.

Meðalveikindahlutfall var 7,0% á tímabilinu og samsvaraði að meðaltali 163 stöðugildum á mánuði. Veikindahlutfallið hefur lækkað frá fyrra ári þegar það var 7,4%. Langtímaveikindi voru 2,1% og náðu til 228 starfsmanna á tímabilinu. Þrátt fyrir jákvæða þróun í veikindum og yfirvinnu er áfram mikilvægt að viðhalda stöðugri mönnun til að tryggja lögbundna og samfellda þjónustu við notendur.

Annar rekstrarkostnaður nam 10.568 m.kr. og var 1.486 m.kr. umfram fjárheimildir, sem nemur 16,4%. Frávik skýrist helst af vistgreiðslum vegna einstaklinga með fjölþættan vanda, þar sem vistgreiðslur vegna barna voru 423 m.kr. umfram fjárheimildir og vistgreiðslur vegna ungmenna 18 ára og eldri voru 518 m.kr. umfram fjárheimildir. Þá var kostnaður vegna þjónustu við börn og fjölskyldur 176 m.kr. umfram fjárheimildir, sem skýrist helst af auknu umfangi sérhæfðrar þjónustu og stuðningsúrræða fyrir börn og fjölskyldur. Jafnframt voru innri viðskipti vegna tölvuþjónustu 114 m.kr. umfram fjárheimildir.

Tekjur frá ríkinu vegna vistana barna með fjölþættan vanda utan heimilis vógu að hluta á móti kostnaði vegna vistgreiðslna barna og drógu þannig úr áhrifum kostnaðaraukningarinnar á rekstrarniðurstöðu sviðsins.

Jafnframt hafði lokun framleiðslueldhússins á Vitatorgi áhrif á annan rekstrarkostnað á fyrri hluta ársins. Í kjölfar lokunarinnar var samið við utanaðkomandi aðila um framleiðslu og afhendingu máltíða, sem leiddi til þess að annar rekstrarkostnaður vegna starfseminnar var 180 m.kr. umfram fjárheimildir.

Myndir hér til hliðar sýna rekstrarniðurstöðu velferðarsviðs á tímabilinu janúar til júní 2026 í samanburði við fjárheimildir samkvæmt endurskoðaðri áætlun. Prósentuhlutföll sýna frávik rekstrarniðurstöðu, tekna, launa og annars rekstrarkostnaðar frá áætlun. Allar fjárhæðir eru í milljónum króna.

Rekstrarniðurstaða án bundinna liða var 23.615 m.kr. eða 1.527 m.kr. umfram fjárheimildir, sem nemur 6,9%. Frávik rekstrar skýrist einkum af kostnaði í búsetuþjónustu, sem var 601 m.kr. umfram fjárheimildir, og hjá Barnavernd Reykjavíkur þar sem kostnaður var 260 m.kr. umfram fjárheimildir. Stærsti einstaki fráviksliður er kostnaður vegna vistunargjalda ungmenna 18 ára og eldri með fjölþættan vanda, sem voru 518 m.kr. umfram fjárheimildir. Um er að ræða ungmenni með miklar og flóknar þjónustuþarfir sem krefjast sérhæfðra og kostnaðarsamra þjónustuúrræða. Á móti komu hærri tekjur frá ríkinu vegna vistana barna með fjölþættan vanda utan heimilis sem drógu að hluta úr áhrifum kostnaðaraukningarinnar. Unnið hefur verið markvisst að því að draga úr kostnaðarþróun, meðal annars með þróun hagkvæmari þjónustuúrræða og auknu rekstrareftirliti.

Tekjur voru 4.011 m.kr. eða 628 m.kr. hærri en áætlun gerði ráð fyrir. Frávik skýrist helst af framlagi frá ríkinu vegna vistana barna með fjölþættan vanda utan heimilis, sem nam 434 m.kr. á tímabilinu. Þá voru tekjur af endurgreiðslum og öðrum

Þjónustupættir velferðarsviðs

Þjónustupættir VEL (m.kr)	Raun 2026	Esk áætlun 2026	Mism. á raun og esk áætlun	%	Raun 2025	Mism. milli ára	%
Stjórnsýsla, sérfræðiþjónusta og ráðgjöf	3.687	3.572	115	3,2%	3.549	138	3,9%
Samningar, framlög og styrkir	3.542	2.925	618	21,1%	3.001	541	18,0%
Búsetuþjónusta	8.263	7.662	601	7,8%	7.504	758	10,1%
Félagsmiðstöðvar	388	373	15	4,0%	373	16	4,2%
Dagþjónusta	550	481	69	14,3%	472	78	16,4%
Heimahjúkrun	-57	-57	0	0,0%	-14	0	0,0%
Heimastuðningur	1.376	1.366	10	0,8%	1.304	72	5,6%
Hjúkrunarheimili	121	108	13	12,0%	152	-32	-20,8%
Þjónustuíbúðir	913	912	1	0,1%	837	75	9,0%
Hælisleitendur og flóttamannaverkefni	-38	0	-38	-	102	-140	-
Vistgreiðslur	838	849	-11	-1,3%	1.688	-851	-50,4%
Stuðnings- og stoðþjónusta	1.989	1.848	141	7,6%	1.865	124	6,7%
NPA	1.293	1.299	-6	-0,5%	1.151	143	12,4%
Ýmis úrræði	385	267	117	43,8%	269	115	42,9%
Þróunarverkefni	29	28	1	3,9%	25	4	15,4%
Önnur gjöld	336	455	-119	-26,1%	457	-121	0,0%
Rekstrarniðurstaða	23.615	22.088	1.527	6,9%	22.736	922	4,1%

Helstu frávik

Vistunargjöld vegna ungmenna 18 ára og eldri með fjölpættan vanda námu 1.079 m.kr. á tímabilinu og voru 518 m.kr. umfram fjárheimildir. Frávik skýrist helst af tilfærslu einstaklinga frá Barnavernd Reykjavíkur yfir í málaflokk fatlaðs fólks við 18 ára aldur. Á fyrri hluta árs 2026 urðu fimm einstaklingar lögráða og færðust á milli málaflokka. Um er að ræða ungmenni sem krefjast sérhæfðar og umfangsmikillar þjónustu, þar á meðal sólarhringsþjónustu og annars stuðnings sem hefur veruleg áhrif á rekstrarkostnað málaflokksins.

Gripið hefur verið til aðgerða til þess að draga úr kostnaði vegna vistunarúrræða og hefur plássuð í einkaúrræðum verið fækkað um þrjú á árinu. Jafnframt hefur nýtt úrræði á vegum Reykjavíkurborgar verið tekið í notkun til að mæta þjónustupörf notenda með hagkvæmari hætti. Áætlaður árlegur fjárhagslegur ábati af þessum breytingum nemur um 252 m.kr. Áfram verður unnið að þróun þjónustuúrræða innan borgarinnar og tilfærslu notenda úr kostnaðarsamari úrræðum þar sem það er faglega og þjónustulega mögulegt, með það að markmiði að bæta þjónustu og draga úr kostnaðarþróun til lengri tíma.

Vistgreiðslur Barnaverndar Reykjavíkur námu 838 m.kr. á tímabilinu og voru í meginatriðum í samræmi við áætlun. Þar hafði framlag frá ríkinu vegna vistana barna með fjölpættan vanda veruleg áhrif á rekstrarniðurstöðu tímabilsins. Þrátt fyrir það er áfram um verulegan kostnað að ræða vegna vistunar og þjónustu við börn með fjölpættan og alvarlegan vanda utan heimilis.

Framlag frá ríkinu vegna vistana barna með fjölpættan vanda nam 434 m.kr. á tímabilinu. Samkvæmt gildandi fyrirkomulagi ber ríkið ábyrgð á fjármögnun vistunar og búsetu þessa hóps barna, en Reykjavíkurborg ber áfram kostnað af fjölbreyttri og sérhæfðri þjónustu sem tengist úrræðunum.

Vistanir utan heimilis byggja á lögbundnum skyldum Barnaverndar Reykjavíkur og varða börn með alvarlegan og fjölpættan vanda þar sem hefðbundin úrræði duga ekki til að mæta þjónustupörfum þeirra. Rekstur málaflokksins er því áfram háður fjölda og umfangi einstakra mála og geta breytingar á fáum málum haft veruleg áhrif á rekstrarniðurstöðu tímabilsins.

Búsetuþjónusta fyrir fatlað fólk, heimilislausa og einstaklinga með miklar og flóknar þjónustufarir var 601 m.kr. umfram fjárheimildir á tímabilinu, sem nemur 7,8%. Rekstrarniðurstaða þjónustunnar nam 8.263 m.kr. og skýrist frávikið helst af sérhæfðum búsetuúrræðum og þjónustu við einstaklinga með umfangsmiklar stuðningsþarfir. Þá hafði tilfærsla ungmenna frá Barnavernd Reykjavíkur yfir í málaflokk fatlaðs fólks við 18 ára aldur áhrif á rekstur tímabilsins.

Laun og launatengd gjöld námu 7.418 m.kr., eða 570 m.kr. umfram fjárheimildir, sem nemur 8,3%. Frávik skýrist helst af aukinni mönnunarþörf, kostnaði vegna afleysinga og yfirvinnu, auk aukinnar þarfar fyrir sérhæfða mönnun. Búsetuþjónustan greiddi fyrir að meðaltali 1.014 stöðugildi á tímabilinu, sem er fjölgun frá sama tímabili fyrra árs.

Yfirvinnustundir voru að meðaltali um 12.000 á mánuði, sem samsvarar um 77 stöðugildum. Þrátt fyrir að yfirvinna hafi dregist saman frá fyrra ári var veikindahlutfall áfram hátt eða 7,3%, sem samsvarar um 74 stöðugildum að meðaltali á mánuði.

Langtímaveikindi voru 2,2% og hafa áfram veruleg áhrif á rekstur þjónustunnar með aukinni þörf fyrir afleysingar og aðrar tímabundnar mönnunarlausnir.

Unnið er markvisst að því að styrkja mönnun og draga úr áhrifum veikinda á rekstur þjónustunnar. Jafnframt er unnið að endurskoðun þjónustuúrræða með það að markmiði að bæta nýtingu fjármuna og draga úr kostnaðarþróun málaflokksins. Meðal annars hefur verið ráðist í breytingar sem gera kleift að veita hluta notenda þjónustu í hagkvæmari úrræðum án þess að skerða gæði eða öryggi þjónustunnar. Áfram verður unnið að þróun þjónustunnar og bættri nýtingu úrræða til að halda kostnaðarþróun innan fjárhagslegra marka eftir því sem kostur er.

Stuðnings- og stoðþjónusta, þar á meðal skammtímadvalir, stuðningsfjölskyldur og önnur sérhæfð stuðningsúrræði, var 141 m.kr. umfram fjárheimildir á tímabilinu. Rekstrarniðurstaða þjónustunnar nam 1.989 m.kr. og skýrist frávik íð helst af kostnaði vegna sérhæfðra stuðningsúrræða, þar á meðal skammtímadvala og stuðningsfjölskyldna.

Laun og launatengd gjöld námu 1.340 m.kr., eða 49 m.kr. umfram fjárheimildir, sem nemur 4%. Frávik skýrist helst af aukinni mönnunarþörf til að tryggja viðeigandi stuðning og samfellda þjónustu við notendur.

Annar rekstrarkostnaður nam 649 m.kr. og var 92 m.kr. umfram fjárheimildir, sem nemur 17%. Frávik skýrist helst af auknum kostnaði vegna skammtímadvala, stuðningsfjölskyldna og annarrar aðkeyptar þjónustu. Þá hafði aukin nýting sérhæfðra úrræða og þjónustu utan eigin rekstrareininga áhrif til hækkunar á kostnaði.

Unnið er að áframhaldandi greiningu á kostnaðarþróun málaflokksins og aðgerðum sem stuðla að bættri nýtingu úrræða og hagkvæmari þjónustuveitingu án þess að skerða gæði þjónustunnar.

Dagþjónusta nam 549 m.kr. á tímabilinu og var 69 m.kr. umfram fjárheimildir, sem nemur 14,3%. Frávik skýrist helst af rekstri dagdeilda fyrir aldraða og dagþjónustu í málaflökki fatlaðs fólks.

Dagdeildir fyrir aldraða voru 20 m.kr. umfram fjárheimildir. Frávik skýrist helst af hærri launa- og rekstrarkostnaði en áætlað var, meðal annars vegna veikinda og aukinnar þarfar fyrir afleysingar til að tryggja samfellda þjónustu. Þá var annar rekstrarkostnaður umfram fjárheimildir vegna hækkunar aðfangakostnaðar.

Dagþjónusta í málaflökki fatlaðs fólks var 49 m.kr. umfram fjárheimildir. Frávik skýrist helst af hærri launakostnaði og auknum rekstrarkostnaði samhliða breytingum á starfsemi og þjónustu. Kostnaður var meðal annars umfram fjárheimildir vegna flutnings starfseminnar og aðlögunar að nýju húsnæði. Áhrifin eru að hluta tímabundin og tengjast flutningi starfseminnar og uppbyggingu þjónustunnar í nýju húsnæði.


Unnið er að áframhaldandi aðlögun starfseminnar að nýju húsnæði og breyttu þjónustufyrirkomulagi með það að markmiði að tryggja stöðugan rekstur og hagkvæma nýtingu fjármuna.

Rekstrarniðurstaða framleiðslueldhússins á Vitatorgi nam 286 m.kr. eða 156 m.kr. umfram fjárheimildir á tímabilinu. Frávik skýrist helst af lokun framleiðslueldhússins í febrúar 2026 og því breytta fyrirkomulagi sem komið var á til að tryggja áframhaldandi matarþjónustu við notendur. Tekjur voru 6 m.kr. undir áætlun vegna tímabundinnar röskunar á starfsemi í kjölfar lokunarinnar.

Laun og launatengd gjöld voru 31 m.kr. undir fjárheimildum. Frávik skýrist af uppsögnum starfsfólks og tilfærslu starfsmanna yfir á aðrar starfsstöðvar innan velferðarsviðs í kjölfar lokunar eldhússins.

Annar rekstrarkostnaður var 335 m.kr. eða 180 m.kr. umfram fjárheimildir. Frávik skýrist helst af auknum kostnaði vegna framleiðslu og afhendingar máltíða sem keyptar voru af utanaðkomandi aðila eftir lokun eldhússins. Kostnaður við hverja máltíð er hærri en gildandi gjaldskrá gerir ráð fyrir og hefur Reykjavíkurborg því áfram greitt verulegan hluta kostnaðar vegna þjónustunnar. Unnið er að áframhaldandi eftirfylgni og mati á nýju fyrirkomulagi matarþjónustunnar með það að markmiði að tryggja þjónustugæði og hagkvæman rekstur til lengri tíma.

Málaflokkur fatlaðs fólks



Málaflokkur fatlaðs fólks(m.kr.)	Raun 2026	Áætlun 2026	Frávik	%
Tekjur	106	53	53	99,6%
Laun og launatengd gj.	8.189	7.517	672	8,9%
Annar rekstrark.	4.763	4.154	609	14,7%
Rekstrarniðurstaða	12.846	11.618	1.228	10,6%

Málaflokkur fatlaðs fólks greiddi fyrir að meðaltali 1.105 stöðugildi á mánuði á tímabilinu. Yfirvinnustundir voru að meðaltali 12.205 á mánuði, sem samsvarar um 78 stöðugildum. Yfirvinna dróst saman um 2.828 klukkustundir frá sama tímabili fyrra árs, sem bendir til aukins stöðugleika í mönnun þrátt fyrir áframhaldandi áskoranir í rekstri.

Meðalveikindahlutfall var 7,6% á tímabilinu og samsvaraði að meðaltali 84 stöðugildum á mánuði. Veikindahlutfallið hefur lækkað frá fyrra ári þegar það var 7,8%. Langtímaveikindi voru 2,2% og náðu til 127 starfsmanna á tímabilinu. Þrátt fyrir jákvæða þróun varðandi veikindahlutfall og yfirvinnu er áfram mikilvægt að viðhalda stöðugri mönnun til að tryggja lögbundna og samfellda þjónustu við notendur.

Annar rekstrarkostnaður var 4.763 m.kr. eða 609 m.kr. umfram fjárheimildir, sem nemur 14,7%. Frávik skýrist helst af kostnaði vegna vistunargjalda ungmenna 18 ára og eldri með fjölþættan vanda, búsetuþjónustu, samninga og styrkja, auk sérhæfðra þjónustuúrræða fyrir einstaklinga með miklar og flóknar þjónustuþarfir. Þá var kostnaður innan stuðnings- og stoðþjónustu og dagþjónustu einnig umfram fjárheimildir. Frávikin endurspeglu aukinn kostnað vegna sérhæfðrar þjónustu og umfangsmikilla stuðningsúrræða sem sveitarfélaginu ber að veita samkvæmt lögum. Unnið er að markvissum aðgerðum til að draga úr kostnaðarþróun málaflokksins, meðal annars með endurskoðun þjónustuúrræða, þróun hagkvæmara þjónustufyrirkomulags og aukinni nýtingu úrræða innan eigin rekstrar þar sem það er faglega og þjónustulega mögulegt.

Rekstrarniðurstaða í málaflokki fatlaðs fólks var


12.846 m.kr. eða 1.228 m.kr. umfram fjárheimildir, sem nemur 10,6%. Frávik skýrist helst af kostnaði vegna búsetuþjónustu fyrir fatlað fólk og vistunargjalda vegna ungmenna 18 ára og eldri með fjölþættan vanda. Á fyrri hluta árs 2026 urðu fimm einstaklingar lögráða og færðust frá Barnavernd Reykjavíkur yfir í málaflokk fatlaðs fólks, sem hafði veruleg áhrif á rekstur tímabilsins. Hærri tekjur en áætlað var drógu þó að hluta úr áhrifum fráviksins á rekstrarniðurstöðu málaflokksins.

Tekjur voru 106 m.kr. eða 53 m.kr. hærri en áætlun gerði ráð fyrir. Frávik skýrist helst af tekjufærslu vegna rýmkunar á réttargeðdeild að fjárhæð 33 m.kr. Þá voru aðrar tekjur innan málaflokksins hærri en áætlað var og höfðu jákvæð áhrif á rekstrarniðurstöðu tímabilsins.

Laun og launatengd gjöld

voru 8.189 m.kr. eða 672 m.kr. umfram fjárheimildir, sem nemur 8,9%. Frávik skýrist helst af kostnaði innan búsetuþjónustu fyrir fatlað fólk, sem var 550 m.kr. umfram fjárheimildir, auk kostnaðar í stuðnings- og stoðþjónustu sem var 83 m.kr. umfram fjárheimildir. Fráviknið skýrist að stærstum hluta af kostnaði vegna þjónustu við einstaklinga með miklar og flóknar stuðningsþarfir sem krefjast sérhæfðrar mönnunar og umfangsmikillar þjónustu.

1.4.1 Velferðarsvið – bundnir liðir



Rekstur VEL (m.kr.)	Raun 2026	Áætlun 2026	Frávik	%
Tekjur	4.742	3.885	858	22,1%
Laun og launatengd gj.	17.105	16.436	669	4,1%
Annar rekstrark.	13.349	11.983	1.366	11,4%
Rekstrarniðurstaða	25.711	24.535	1.177	4,8%

Fjárhagsaðst. (m.kr.)	Raun 2026	Áætlun 2026	Frávik	%
Tekjur v. endurgreiðslu 15.gr.	-732	-502	-230	45,8%
Framfærslustyrkur	1.500	1.505	-5	-0,3%
Heimildargreiðslur fjárhagsaðstoðar	286	279	6	2,3%
Heimildargreiðslur - Átaksverkefni	240	252	-12	-4,9%
Heim.gr. 16.gr. A aðstoð v/barna	10	15	-5	-33,3%
Rekstrarniðurstaða	1.304	1.549	-246	-15,9%

Notendur fjárhagsaðstoðar (fjöldi)	Fjöldi jan-júní 2026	Fjöldi jan-júní 2025	Br. milli ára	%
Framfærslustyrkur	1.953	1.813	140	7,7%
Heimildargreiðslur fjárhagsaðstoðar	910	821	89	10,8%
Fjárhagsaðstoð alls	2.295	2.168	127	5,9%

Myndir hér til hliðar sýna rekstrarniðurstöðu velferðarsviðs á tímabilinu janúar til júní 2026 í samanburði við fjárheimildir samkvæmt endurskoðaðri áætlun. Prósentuhlutföll sýna frávik rekstrarniðurstöðu, tekna, launa og annars rekstrarkostnaðar frá áætlun. Allar fjárhæðir eru í milljónum króna.

Rekstrarniðurstaða með bundnum liðum var 25.711 m.kr. eða 1.177 m.kr. umfram fjárheimildir, sem nemur 4,8%. Frávikíð var lægra en rekstrarniðurstaða án bundinna liða, einkum vegna þess að útgjöld til fjárhagsaðstoðar og sérstaks húsnæðisstuðnings voru undir fjárheimildum á tímabilinu. Fjárhagsaðstoð nam 1.304 m.kr. og var 246 m.kr. innan fjárheimilda, en sérstakur húsnæðisstuðningur nam 793 m.kr. og var 104 m.kr. innan fjárheimilda.

Rekstrarniðurstaða vegna fjárhagsaðstoðar var 1.304 m.kr. eða 246 m.kr. innan fjárheimilda. Útgjöld vegna fjárhagsaðstoðar námu 2.035 m.kr. og voru í meginatriðum í samræmi við fjárheimildir. Ríkið endurgreiðir sveitarfélögum veitta aðstoð vegna erlendra ríkisborgara samkvæmt 15. gr. laga nr. 40/1991 um félagsþjónustu sveitarfélaga. Endanleg fjárhæð endurgreiðslunnar liggur ekki fyrir, en áætlað er að hún geti numið allt að 732 m.kr. á tímabilinu, miðað við um 800 einstaklinga á mánuði.

Framfærslustyrkur nam 1.500 m.kr. og var í meginatriðum í samræmi við áætlun. Notendum fjölgaði um 65 frá sama tímabili fyrra árs, eða um 4,4%, og fengu alls 1.531 notandi framfærslustyrk á tímabilinu.

Taflan sýnir uppsafnaðan fjölda notenda á tímabilinu, alls 2.295. Þar af fengu 1.953 notendur framfærslustyrk og 910 notendur heimildargreiðslur fjárhagsaðstoðar.

Heimildargreiðslur fjárhagsaðstoðar námu 286 m.kr. og voru í meginatriðum í samræmi við fjárheimildir.

Heimildargreiðslur vegna átaksverkefna námu 240 m.kr. og voru innan fjárheimilda. Heimildargreiðslur á grundvelli 16. gr. reglna Reykjavíkurborgar um fjárhagsaðstoð vegna aðstoðar til barna voru einnig innan fjárheimilda.

Heimildargreiðslur voru alls 536 m.kr. og voru í heild í samræmi við fjárheimildir. Þrátt fyrir það fjölgaði notendum sem fengu heimildargreiðslur á tímabilinu. Alls fengu 910 notendur slíkar greiðslur, sem er fjölgun um 89 notendur frá sama tímabili fyrra árs.


Sérstakur húsnæðisstuðningur (m.kr.)	Raun 2026	Áætlun 2026	Frávik	%
Sérstakur húsnæðisstuðningur	356	477	-121	-25,3%
Sérstakur húsnæðist. félagsl. húsn.	436	420	17	4,0%
Rekstrarniðurstaða	793	897	-104	-11,6%

Notendur sérstakur húsn. (fjöldi)	Fjöldi jan-júní 2026	Fjöldi jan-júní 2025	Br. milli ára	%
Sérstakur húsnæðisst. alm. markaði	1.926	1.896	30	1,6%
Sérstakur húsnæðisst. félagsl. húsn.	1.988	2.105	-117	-5,6%
Sérstakur alls	3.914	4.001	-87	-2,2%

húsnæði nam 436 m.kr. og var 17 m.kr. umfram fjárheimildir. Notendum sem fengu sérstakan húsnæðisstuðning í félagslegu húsnæði fækkaði um 117 frá sama tímabili fyrra árs. Tekju- og eignamörk voru hækkuð tvisvar á árinu 2026, annars vegar um 5,2% frá 1. janúar og hins vegar um 1,24% frá 1. apríl, sem hafði áhrif á fjárhæð stuðnings á tímabilinu.

Línuritin sýna fjölda notenda í hverjum mánuði í samanburði við fyrra ár.

Fjöldi notenda á mánuði með fjárhagsaðstoð til framfærslu síðustu 12 mánuði



Fjöldi notenda á mánuði með sérstakan húsnæðisstuðning síðustu 12 mánuði

